

latitudine maxima ante medium, apicem versus gradatim angustatis, apice obtuse subacuminatis, dorso plano, haud dense tomentoso, granulis minimis hinc-inde sparsis, singulo elytro lineis 2 subelevatis saepissime obsolete e granulis asperatis remotis instructo. Abdomine medio nonnihil deplanato. — Long. 16—23 mm., lat. 9—11¹/₂ mm.

Prov. Transcaspica: in desertis sabulosis ad Repetek. 6 specimina mutilata a Dom. Russanow anno 1888 collecta.

27. *Polyarthron Tschitscherini* sp. n.

♂. Minor, validiusculus, nigro-piceus, antennis pedibusque dilutioribus, castaneo-brunneis, parum nitidus. Antennis dimidium corporis multo superantibus, 22-articulatis, articulis 3 basalibus simplicibus, 1° subpyriformi, sat incrassato, 2° brevi, latitudine sua haud longiore, 3° elongato, primo 1¹/₂ longiore, apice infra breviter anguloso-producto, ceteris intus simpliciter longe flabellatis, articuli 4ⁱ flabello brevior, sequentium flabellis longissimis, plus minusve aequalibus, articulo ultimo simplici, apice plus minusve fisso. Palpis labialibus articulo ultimo elongato, compresso, sed nullo modo securiformi, apice oblique truncato leviterque rotundato. Capite haud magno, sat brevi, punctato-asperato, disperse breviter villosa, fronte tenuiter nec profunde sulcata, genis breviter prominulis. Oculis distantibus. Thorace brevi, longitudine sua duplo, capite sensim sed parum latiore, apice recte truncato, basi media leniter arcuata, lateribus muticis, medio tantum vix angulosis, angulis omnibus obtusis; disco inaequali, irregulariter sat crebre punctato parceque villosa. Scutello sat magno, lato, linguiformi, sat crebre punctato. Elytris ad humeros thorace multo latioribus, dein apicem versus fortiter angustatis, lateribus fere rectis, angulis apicalibus externis late rotundatis, suturalibus rectis, haud spinosis, fere contiguis; dorso rude coriaceis, nervis 3 elevatis optime expressis, externo obsolete, margini laterali approximato. Subtus sterno haud dense fulvo-villosa. Pedibus tenuibus,

compressis, tarsis angustis, articulis 3 basalibus apice spinoso-productis. — Long. 16 mm., lat. (pone humeros) $7\frac{1}{4}$ mm.

♀ latet.

Turkestan: Osch (?). Specimen unicum nonnihil mutilatum ♂ ex coll. Obert, nunc amicissimi T. Tschitscherin.

28. *Ithone degenerata* sp. n.

I. hexaspilotae Hope (*mirabilis* Motsch.) simillima, sed minor, praesertim brevior, paulo magis convexa. Prothorace latiore, antice magis abrupte exciso, excisura minus rotundata, angulis anticis magis prominulis, acutioribus; disco subtilissime minus crebre punctulato, singulis punctis vix conspicuis. Elytris sensim latioribus et praesertim brevioribus, dorso convexioribus, angulis humeralibus magis expressis, minus rotundatis, lateribus magis rotundatis, margine laterali magis extenso. Color et cetera ut in *I. hexaspilota* Hope. — Long. $7\frac{1}{3}$ —9 mm., lat. 7— $8\frac{1}{4}$ mm.

Kundshut: Baltid, 7.700' alt. Specimina duo a Dom. Br. Grombczewski 1/IX 1888 detecta.

M. Martio 1889.

